

Сөз сұлтаны — Сұлтанмахмұт

Хмельницкий ауылдық кітапханасында «Сөз сұлтаны — Сұлтанмахмұт» атты әдеби кеш өткізілді.



«Бір ел — бір кітап» республикалық акциясы 2007 жылдан бастап өткізіліп келеді. Биылғы жылы аталмыш акциясы аясында жалпыхалықтық оқуға «Жыл кітабын» таңдау бойынша ҚР Жазушылар Одағы Астана қалалық филиалының төрағасы, ақын — Несіпбек Айтұлы: «Қазақ поэзиясының биігіне өрмелеп шыққан ақын ол — Сұлтанмахмұт Торайғыров. Абайдан кейінгі ұлы ақындардың бірі деуге әбден болады. Ұлт үшін күрескен адам. Сол себептен бүгінгі «Бір ел — бір кітап» Республикалық акциясына қатысушыларға жалынды ақын, ас ақын С.Торайғыровтың шығармаларын оқуға кеңес беремін», - деді, оны жалпы отырыстың комиссия мүшелері де бірауыздан «Алашорда мемлекетінің 100 жылдығына»

орай «Жыл кітабы - 2017 таңдауына ақын Сұлтанмахмұт Торайғыровтың шығармаларын оқуды ұсынды. Себебі: «Қараңғы қазақ көгіне, Өрмелеп шығып, күн болам!» деген рухты жырларымен мәңгі өшпес із қалдырған ақын. Өскелең ұрпақтың идеалына айнала алатын дара да, дана ақынның бірі екені тағы да айшықтала түсті.

Оқырмандарға арнайы «Ақын есімі» атты фотокөрме безендірілді. Бұл көрмеде ақын есімі берілген ғимараттар мен ескерткіштер көрсетілді. Ақын есімі С.Торайғыров атындағы облыстық кітапханаға, С.Торайғыров атындағы ПМУ-ға, Баянауыл аудандағы ауыл мен көлге берілді, Павлодар қаласында ақынға ескерткіш орнатылды.

Кештің шымылдығын ашқан кітапханашы Б.Жандельденова биылғы жылы «Бір ел — бір кітап» акциясына 10 жыл толғанын айтты. 10 жыл бойы үздік шығармалар оқылып келеді. .

Кештің жүргізушілері Апсалямова Асия және Серікбол Еркежан Сұлтанмахмұт Торайғыровтың өмірбаяны мен шығармашылығына тоқталып кетті. Серікбол Еркежан, Серікбаева Анеля, Темірғалиева Рада, Дүзелхан Бақжанат және Ризабек Ниясхан ақынның «Арманым», «Оқып жүрген жастарға», «Шәкірт ойы», «Қамар сұлу», «Алаш ұраны» атты жалынды, рухты өлеңдерін оқыды.

Кештің соңында С.Торайғыровтың «Дүние дөңгелегі айналады» атты кітабына шолу жасалды.